



Inatsisartunut ilaasortaq Naaja H. Nathanielsen
/MAANI

§ 37 malillugu qalerallinnarneq pillugu apequtigineqartunut akissutit

Inatsisartut suleriaasissaanni § 37-mi imm. 1 malillugu qalerallinnarneq pillugu apeqqutitnik saqqummiussaqaqarputit. Apeqqutigineqartut uannut akisassanngortinneqarsimapput.

Apeqqutit:

1.

Pisassiissutitaqanngitsumik qalerallinnarfijumaartussat eqqarsaatigalugit qalerallit aali-sapilunneqannginnissaannut qulakkeerisussamik Naalakkersuisut qanoq iliuseqarnialersaarpat, aammalu taamatut pisassiissutitaqanngitsumik qalerallinnarfissanik pilersitsinissaq biologit innersuussinerannut naapertuuppa?

2.

Taamatut pisassiissutitaqanngitsumik qalerallinnarfissat qanittuanni qalerallinnarnermut qanoq sunniuteqarnissaa Naalakkersuisunit naatsorsuutigineqarpa? Sumiiffinni pisassiissutitaqartuni tunisinerit appariarnissaat Naalakkersuisunit naatsorsuutigineqarpa, tassami aalisartut pisassiissutiminnik "sipaarniarlutik" pisassiissutitaqarfiunngitsuni aali-sarnissartik qinissavaat?

3.

Ukiuni tallimani kingullerni qalerallit tunisat sumerpiaq aalisarneqarsimanerannut Naalakkersuisut paasissutissaataateqarpat? Taamaassappat paasissutissat taakkua akis-summut ilannguteqquneqarput. Sumiiffiit maanna allannguuteqarfiusut kisiisa paasisa-qarfigerusuppakka.

4.

Aalisarnerup iluani qalerallit MSC-mik nalunaaqutserneqarnissaannik kissaateqarnermut allannguinerit Naalakkersuisunit ajortumik sunniuteqassangatinneqarpat?

5.

Tusarniaasitsinermi akissutit Namminersorlutik Oqartussat nittartagaanni nassaarisinnaasimangilakka. Naalakkersuisunit ilisimatitsissutigineqarpoq tusarniaanermi akissutit isornartorsiunertaqarnerisut, kikkunniillu sutigullu isorinnittoqarsimaneera paaserusupparput.

6.

Killeqarfinnik allannguinerit pisassiissutitaqanngitsumillu qalerallinnarfissaqalernerit pillugit nunat tamalaat akornanni eqqartorneqarnerlunnikkut qalerallinnik avammut tunisasioernerup appariaateqarsinnaanerani isumakuluuteqarnera Naalakkersuisunit isumaqataaffigineqarpa? Killeqarfinnik taamatut allannguineritigut sinerissamut qanittumi qalerallinnarnerup 'ulorianartorsiortutut inissinneqarnissaanik' Naalakkersuisut sutigut ulorianaatinik tikkuussisinnaappat?

7.

Killeqarfiit allanngortinneqarnerinut atatillugu Naalakkersuisut aningaaserivinnik oqaloqatiginnissimappat? Sumiiffiit pisassiissutitaqanngitsut atulersinneqarnissaanni aalisartut pisassiissutaateqartut, pisassiissutillu taakkua uppernarsaasiullugit aningaaserivimmi

18-09-2014
Suliap normua. 2014-103683
All. nr. 1688047

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

attartorsimasut eqqarsaatigalugit pisassiissutaasa nalimikkut appariaateqarnissaat pisinnaava, taamatullu attartornermi isumannaassuseq ajorseriarsinnaava?

8.

Junimi 2013-imi eqqissimatitsinermit avatangiisinullu ataatsimiititaliamut akissummini taamanikkut aalisarnermut naalackersuisuusoq Karl Lyberth akissuteqarpoq, qaleralinnut, assagiarsunnut saarullinnullu aqutsinikkut pilersaarusiortoqarnissaanik pilersaartoqartoq. Pilersaarutit taakkua qanoq ingerlappat?

9.

Taamanikkut Naalackersuisuusup allakkani taakkunani ilisimatitsissutigivaa Aalisarnermut inatsisip kukkunersiorneqarneranut atatillugu Naalackersuisut aalisarnerup iluani nungusaataanngitsumik annertunerusumik ingerlatsinissaa 'assut pingaaruteqartoq'. Naalackersuisut sulii taamatut isummeqqappat?

Akissuteqaatit:

1-imut:

Naamik, allangortitsineq uumassusilinnik misissuisut siunnersuinerannut naapertuutinnigilaq. Allangortitsisoqarpoq Inatsisartut aalajangiiffigisassaattut siunnersuut UPA 104/106 tunngavigalugu, tassani Naalackersuisut peqquneqarmata aqutsiveqarfinnut Upernavimmut, Uummannamut Qeqertarsuullu Tunuanut killeqarfiit allangorteqqullugit. Aalajangiiffigisassatut siunnersuut Inatsisartunit akuersissutigineqarpoq upernaakkut ataatsimiinnermi.

Qalerallit annertuallaamik aalisarneqalernerisigut ajornartorsiutaajunnartussat siornangersimaniarlugit Naalackersuisut Kalaallit Nunaanni Aalisarsinnaanermut Akuersissutinik Nakkutillisoqarfiup nakkutilliinera annertusinniirpaat. Aalisarnermik nakkutilliinermut atatillugu taamaalorneq sakkussatsialaassaaq. Naalackersuisut aalisarnerup allangoriartornera nalilersortuassavaat taamatullu nalilersortarluguttaaq nalunaarutip allangortinneqarnissaa tulluullugu pisariaqalissanersoq.

2-mut:

Pisassiissuteqartoqartartussaangimmat naatsorsuutigineqarpoq pisarineqartartut tamarmiusut annertuseriarsinnaanissaat. Tassunga atatillugu taamaattoq oqaatigineqasaaq pisarineqartartut aammattaaq tunitsiviit pisanik tigooraanissaminnut naammassinnaassuseqarnerannit killilerneqarsinnaammata. Taamatuttaaq aalisarfissat tamarmik aalisarfigineqarnavianngillat - aammattaaq imartani pisassiivunngitsuni maannakkut aalisarfiulersussani. Taamaammat erseqqarluppoq qanoq annertutigisumik allangortitsinerit aalisarnerulernermik kinguneqarumaarnersut. Aalisartut namminerminnut pisassiissutinik sipaarsinnaagunarput, kisianni Naalackersuisut tatigilluinnarpaat aalisartut imartani pisassiiviusuni aalisartarnissaat kingornatigullu pisassiissutit annertussusii pisarineqareeraangata allamukartarlutik. Tassunga siunnersuuteqartup immikkoortup Inatsisartunit suliarineqarnerani ilaatigut tunngavilersuutigaa pinngortitap nammineerluni imartat tamakku tikikkuminaatsuunerat pissutigalugu illersugarereerai tamakkumi imartanik pisassiiviusutut nalunaarsorneqarsimasunit annertunerusutigut imartani ammanerusuniimmata.

3-mut:

Aatsaanuna 1. januar 2012-imiit pisat nalunaarutigineqartarneranni pisaqarfiusup ilanngunneqarnissaa pinngitsoorani allassimasussaalersoq. Taamaalilluni 2012 sioqqullugu pisaqartoqartarsimasinnaavoq sumiiffilersuinertaqanngitsumik nalunaarutigineqartunik taamaammallu sumiiffissineqarsinnaanngitsunik.

15. september 2014-imiit imartani pisassiissutinik ilanngaaviusussaajunnaartunik pisassiissutinik ilanngaatinut takussutissat, ukiunut 2009-miit 2013-imut:

Sumiiffiit	2009 ³	2010 ³	2011 ³	2012	2013
Qeqertarsuup					
Tunua ¹	290	426	542	726	720
Qeqertarsuup					
Tunua, Kangia ²	27	29	48	110	45
Uummanaq	962	895	917	818	868
Upernavik;	1.156	890	1.225	886	1.112
Katillugit	2.435	2.240	2.732	2.540	2.745

Annertussutsit tamarmik uumatillugit
oqimaassusii tonsinngorlugit

¹ Pisat aqutsiveqarfik Qeqertarsuup Tunuata aqutsiveqarfimmut ilaajunnaartup kujasisortaaneersut ilanngunneqanngillat. Annertussutsinut taamaallaat ilaapput imartanit aqutsiveqarfik Qeqertarsuup Tunuatut 71°30V-ip kitaanisut paasineqartussat

² Taamaallaat pisat qimussimik pisarineqartut assartorneqartullu pisassiissutinik ilanngaatineqartussaannngillat, kisitsisini taaneqarput annertussutsit ukiumoortut qimussimik tunineqartutut nalunaarutigineqarsimasut

³ 1/1 2012 sioqqullugu pisiortortumut piumasqaataannngilaq tunisanik nalunaarutiginninnermi pisat allassimaffiannut ilanngutissallugu, taamaammat imartani taakkunani pisassiissutinik ilanngaaffiunngitsunut sumiiffilerneqarsinnaanngitsuni qaleralittoqartarsimasinnaassaaq

4-mut:

Ilimanarpoq qaleraliit MSC-mik akuersissutigineqarsinnaanerit allanngortitsinerit killup tungaanut sunnersinnaassagaat. Tamatuminnngaluuna aammattaaq pissuteqartumik Naalackersuisut nakkutilliinerulemmissamik siunniussaqtartut. Taaneqareersutut Naalackersuisut aalisarnerup allanngoriartornera ingerlaavartumik nallilivigisarniarpaat.

5-imut:

Ukunangaanniit tusarniaanermut akissutinik tigusaqartoqarpoq: Aningaasaqarnermut Naalackersuisoqarfik, KANUKOKA, Pinngortitaleriffik, KNAPK, GA, SIK, Polar Seafood, Pinngortitamut Avatangiisinullu Naalackersuisoqarfik, SQAPK aamma Upernavik Seafood. Tusarniaavigineqartut tamarmik – SQAPK kisiat pinnagu – oqaatigisimavaat siunnersuut isumaqataaffigisinnaanngikkitsik. Tusarniaavigineqartut taamatut isummernerminnut tunngavilersuutigaat siunnersuutip Kalaallit Nunaata Avannaani qaleraliqassutsip annertussusaanut annertuumik kinguneqarnerlorujussuarsinnaanera.

6-imut:

Aap, qaleralinnik nunanut allanut tunioraaneq nutaanik killeqarfiliinerit imartallu pisassivunngitsut nunani tamalaani ajortumik eqqartorneqarnerisigut annikilleratarsinnaavoq. Pingaartumik taamatut pisoqarsinnaavoq Europamut tunioraanermi. Tamatumunnga pissutaavoq Europami tuniniaaviit piujuartitsinissamik assut pingaartitsinerat. Tassunga uiggiullugu taamaattoq oqaatigineqassaaq aammattaaq annertuumik Asiami tuniniaavinut qaleralinnik tunioraasoqarmat, tamanna taamatulli tassani sammineqartiginani. Taamaammat pitsaanngitsumik oqaatiginnittarneq aalisakkanik taamaallaat Europamut tuniorarneqartartunit qaleralinnik tunioraanermut atatillugu annikinnerusumik ajoqusii-sinnaavoq.

7)-mut:

Naamik, Naalakkersuisut nutaamik killeqarfiliinerit pillugit aningaaserivinnik oqaloqate-qarsimangillat. Aammattaarmi aningaaseriviit tamatuma ernummatissaaneraniq oqaatigisaqarsimangillat. Naalakkersuisut tamatuma ajornartorsiutaasinnaaneranik ilisimasaqanngillat.

Taamaattorli Naalakkersuisut allangortitsinerit angallatinut 6 meterinik anginerusunut pisassiissutit tuniniarneqarsinnaanerannut ajoqutaasinnaanerat ilisimavaat taamaalillutillu angallatit ilaannut taakku tuniniaasinnaaneratigut siunertamut ajoqusiillutik.

8)-mut:

Avataani saarullinnut pisortat ingerlatsinissaannut pilersaaruteqareerpoq atuutilereersumik 2014-imiillu 2016-imut atuuttussamik. Kingornatigut taanna nutarsarneqaqqis-saaq.

Qaleralinniarnermut tunngatillugu Naalakkersuisoqarfik siunissami pisortat ingerlatsinissaannut ilusiliussassamik suliaqarluni aallartippoq, tassuuna ullumikkut aalisarnertut uneqattaarpallaanngitsumik ingerlaavartumik aalisartoqalernissaa qulakkeerniarlugu. Taamatut ilusiliinikkut qulakkeerneqassaartaaq ukiup ingerlanerani pisassiissutinik qafaasaqattaartarnerup pisariaarunnera. Taamatut suliaqarneq pisortat aqutsivigineqarnissamut pilersaarutip atuuttussap suliarineqarneranut taamalilluni tunngavissiissaaq.

Saattuarniarnermut tunngatillugu nalunaarut allangortinniarlugu sulineq aallartinneqareerpoq, siullermik pingaarnarpaatillugulu imartat saattuarniarfigineqarsinnaasut eqqarsaatigalugit. Taamaattorli pisortat aqutsivigineqarnissamut pilersaarutaata ingerlatsinissaata suliarineqarnissaa sulii aallartinneqanngilaq.

9)-mut:

Aap, Naalakkersuisut isumaqartuarsinnarput aalisarnermi piujuartitsinermik tunngaveqarneq pingaaruteqarluinnartuusooq. Naalakkersuisuttaarmi aammattaaq piginnaatitaapput inuiaqatigiinnut tunngatillugu isiginiagassat nalilersortassallugit, tassa piujuartitsinissamik tunngaveqarneq inuussutissarsiutit eqqarsaatigalugit ilanngunneqartussanngoraangat. Naalakkersuisut isumaqarput aalisakkanik ilisimasaqarneq uumassusilinnik misissuisut inassuteqaataannik taamaallaat aalajangerneqartassanngitsoq, kisiannili aalisartut aalisakkat qanoq issusiannik oqaatigisaannut ataqatigiissinneqartassalluni. Aalisartut naliliisarnerat pingaaruteqartupilorujussuuvoq aammattaaq piujuartitsinissaaq oqallisigineqartillugu.

Inussiarnersumik inuulluaqqusillunga

Finn Karlsen